

SANTEZ BARBA BENNIGUET ,  
INTERCREDIT EVIDOMP , NI HO PED.

## HISTOR EUS A VUEZ

SANTEZ BARBA ,

*Pehini zo maddaveza reclamet dioc'h  
ar gurun ha dioc'h ar maro subit.*

Var an ton ordinal.



Me ho suppli , compagnuez ,  
Da selaou cana ar Vuez  
Da zantez Barba biniguet ,  
A zo a nevez composet.



Er bloa daou c'chant hac anter-cant ,  
Dindan Maximin an tyrant ,

Demeus a noblanç bras meurbet ,  
E Nicomedi voe ganet.



He zud a voa idolatret  
A gorf , a galon , a speret ;  
He zad d'ar gristenien garo ,  
A rē o laqat d'ar maro.



Mes ar verc'hez Santez Barba  
Nemet Jesus ne gar netra ;  
Christenez voa evit certen ,  
Ha souten vrás d'ar gristenien.



Oc'h e beza caer meurbet ,  
Gant eur prinç bras voe goulennet ,  
Hac e voa gantâ deziret  
Evit e c'haouet da bried.



He zad a gommandas dezi  
Accepti souden ar parti ;  
Mes hi a respondas neuze  
Ne raje biqen an dra-ze.



O sònjal galloud he dompti ,  
Gourc'hemen a eure dezi  
Antren en eun tour er prison ,  
O clasq he renji d'e rôson.



Eno e câvas Doue e zad  
A ranversas gant eun tol troad :  
Da Jesus-Christ en em roas  
Corf hac ene a galon vad.



Ar c'homzou-màn a lavaras :  
Jesus a zo maro er groas ,  
Voui a rân d'ho Majeste  
A galon va virginité.



Neuze souden , dre viracl bras ,  
Sin ar Groas qen don a c'hravas  
Gant e bis en eur men calet ,  
E effaci ne allet qet.



Goude-ze e commandas prest

Ma vize great tri brennest  
Evit enori an Drindet  
A gare a galon barfet.



He zad an dra-ze pa velas ,  
Ouz ar Zantez a c'houennas :  
Petra sinisi qementse  
Zo grêt dre hoc'h autorite ?



Evit enori an Drindet  
O ober am eus commandet :  
An Tad , ar Mab , ar Speret-Glan  
A zo tri ferson en unan.



Tri brennest zo var ar prison ;  
Un Doue zo en tri ferson ;  
Mes va entent na ellit qet ,  
En defot beza badezet.



Va zad , pa em eus commancet ,  
E livirin dêc'h eur secret :  
Credi a rân en Jesus-Christ ;  
Ha droug a rân , ma zoc'h-hu trist ?



Souezet omp ouz ho qüelet  
Entrezoc'h , c'houi , idolatret ,  
Ouz ho qüelet oc'h adori  
Doueou grêt gant mein ha pri.



Me ne ràn qet a estim bras  
A Jupiter nac a Ballas ;  
Satan en deus o invantet  
Evit coll ar bobl eus ar bed.



Eur re zo Egyptianet ,  
Hac a ador ar serpentet ,  
Ispicial ar c'crocodil ,  
A zo var dro rivier an Nil.



Darn all a ador un eujen ,  
Eur seurt all a bed un azen ,  
Hac an dud a Alexandri  
A ador ar c'haz hac ar c'hi.



Etrezomp-ni oll , Christenien ,

A ador un Doue mui qen ,  
Pehini a zo an Autrou  
Eus an douar hac an ênvou.



Ho pet , balamour da Zoue ,  
Ho pet truez ouz hoc'h ene ;  
Lest al lezen-ze milliguet ,  
Petramant e viot daonet.



He zad neuze pa e c'hlêvas ,  
Dre goler vrás e respontas :  
Effrontet out , en assuranç ,  
Comz er fêcon-ze em presanç.



Ia , ret eo , assuramant ,  
E pez-te collet da sqiant ,  
Adori un den zo crouquet  
Evit crimou hep mar ebet.



Va zad , laqet voa d'ar maro  
Gant ar judevien en e vro ;  
Mes , va zad , ne ententit qet ,

Penevert se e voamp collet.



Da ennes en deus va frenet,  
Va zad, ez on-me demezet;  
Brassoc'h mestr eo assuramant  
Eguel Maximin an tyrant.



Ennes en deus grêt a netra  
Qement a velomp er bed-mâ,  
Hac a rei eur plaç da repos  
D'ar Gristenien er Barados.



Mes ar re ne gredint enna,  
Pa zeuyo da varn ar bed-mâ,  
O c'hondaono d'an tan grissas;  
N'en deus poan a ve qen divlas.



En eur goler ec'h antreas,  
E gleze diouc'h-tu a dennas;  
He zreuzi a fellas dezàn,  
Mes Doue a viras ountàn.



Redec a eure var he lerc'h ,  
Mes eur roc'h güenn evel an erc'h  
Evit he c'honservi antier  
En em digoras dre'n anter.



Goude-ze e voe qemeret ,  
Ha gant qerden rust amaret ,  
Ha d'ar presidant Marcian  
E zad el livras e-unan.



Ar presidant , pa e güelas ,  
Ouc'h ar Zantez a c'houlennas :  
Din-me prontamant livirit  
Peseurt Doue a adorit.



Credit-hu certen , Presidant ,  
Christenes oun certenamant ;  
Ha ne zeus nac aour na tourmant  
A elfe chench va zantimant.



Ho toueou zo hep gallout

Na da ober na mad na droug ;  
Rac-se e zeo bras ho fazi  
Laqat ar bobl d'o adori.



Souezet bras oun-me ganeoc'h ,  
Va merc'h , truez am eus ouzoc'h ;  
Qüittait ho lezen afo ,  
Pe autramant ez oc'h maro.



Mar qirit chench a zantimant ,  
Me royo dêc'h aour hac arc'hant ,  
Hac eur Prinç bras evit pried ,  
Ho caro a galon barfet.



It gante en perdition ,  
Jesus eo va zenzor güirion ;  
Bras ve an den ambitius ,  
Ma na ve contant a Jesus.



E zad neuze , pa he c'hlêvas ,  
D'ar Presidant a lavaras :  
Autrou Presidant , grit justic ,

Rac homàn zo leun a valiç.



Rac-se grit justiç , me ho ped ,  
Ha dezi ne faziet qet ,  
Pe me scrifo a dra certen  
Ez oc'h evit ar Gristenien.



An Impalaër dre e arrêt  
A ordren ma vezo losqet ;  
Mar faziit , credit ervat  
Ez oc'h assur da goll ho stat.



Neuze souden voe divisqet ,  
Ous eur pillyer e voe staguet ,  
Ha dispennet gant scrifellou ,  
Ma coeze he c'hig a beziou.



Un horrol bras e voa güelet  
He goad virginal o redec ,  
He ne voa den , bras na bian ,  
N'e voeljont oll guitibunan.



Goude d'ar prison voe casset,  
Er bassefos e voe laqet,  
O clasq dont a ben anezi,  
Autramant e disesperi.



Neuze souden voe bisitet  
Gant Jesus-Christ, Salver ar bed,  
Pehini, en eur douch outi,  
A eure salo anezi.



Barba, va merc'h, ho pet courach,  
Rac ar President a arrach  
Ouzoc'h, en defot va c'huittât  
Da adori Doue ho tad.



Jesus, n'am abandonit qet;  
Mar plich ganêch, va zicouret,  
Ma ellin souten constamant  
Evit ho cloar pep seurt tourmant.



An eol, al loar hac ar stered

A ve qent mil güech distrujet  
Hepqen ma fazien deoc'h  
Ha n'am be sourci ac'hanoc'h.



An eil ternos e voe tennet  
Evit beza interrojet ,  
Hac e voe roet dei da choas  
Renonç , pe souffr tourmanchou bras.



Hi , fortifiet gant Doue ,  
Prest a respondas d'ar Roue :  
Lavaret em eus dêc'h dija  
Va zantimant , hep nac'h netra.



Birviqen james ne chenchàn  
Ar pez a lavarin bremàn :  
Va Jesus a zo em c'halon ,  
E varo hac e bassion.



Hac a vezò da virviqen  
Evit nep glac'har , nep anqen ;  
Rac-se , tyrant , depech afo ,

Deus d'am c'hondaoni d'ar maro.



An tyrant-se gant e arrach  
A laqas dispen e bisach  
Hac ar c'hig divar e c'hostou,  
Gant cribou houarn ha scifellou.



Gant goulaouennou alumet  
E gouliou a voe rostet,  
Hac e diou vron a unanou  
Distaguet gant razouerou.



Tennet voe neuze en noaz beo ,  
Goloet hepqen gant e bleo ,  
Gant eur goabren gûen meurbet  
E goloas Salver ar bed.



Var e fenn an toliou morzol  
A scôe gant quer bras horol ,  
Ma crene memes ar pave  
Gant an toliou a receive.



Pa veljont n'allent qet outi ,  
O deus sònjet e c'hondaoni  
D'ar fin da veza dibennet  
Var eur chaffot a voe dresset.



Ar bourreo gant truez outi  
Ne zibenne qet anezi ;  
E zad , bourreo ar c'hruella ,  
En em offras d'e dibenna.



Neuze ec'h eure eur beden  
Da Zoue vit ar Gristenien ,  
Ma pliche da Zalver ar bed  
Accordi dezi eur reqet.



Goulen a eure ouz Doue  
Evit piou benac m'e fedje  
Ne varvo qet subitamant  
Abars receo ar Zacramant.



Un Æl neuze' apparissas ,

Ha d'ar Zantez a lavaras :  
Barba , n'ho ped douetanç ebet ,  
Accordet eo dêc'h ho reqet.



Eur gurunen a c'hloar a zougàn  
Bremâ-souden d'ho curunàñ ,  
Rac prest oc'h da vont da velet  
Doue , ar Zent ha Sentezet.



Eun tol cleze digant e zad  
A zispartias evit mad  
E c'horf eürus diouz e fen ,  
Hac e lamas a bep anqen.



Eun tol curun demeus an eê  
A soueltras e zad goude ze ;  
Qement all evit paeamant  
A c'hoarvezas gant an tyrant.



Ebars en calz eus a vroyou  
Eus dediet dei Chapelou ;  
Mes unan zo dreist pepini

A interess ac'hanomp-ni.



An drede deiz a viz Gouere  
E ve bras ar solanite  
E Santez Barba , en Rosco ;  
Eno e ve tud a bep bro.



Pedomp-hi eta , Bretonet ,  
Ma vimp dre e graç preservet  
Demeus ar gurun hac an tan ,  
Ha da savetat peb-unan.

F I N.



---

E Montroulez, e ty LÉDAN, tu Pont-an-Itron-Varia.]